

8
1965

№ 4 თბილისი თბილისი 1965

საბჭო

გამომცემის 42-ი წელი. ფასი 20 კპ.

მეზრო „მარჯანიშვილი“



ნ.ბ. ნ. მალაშონიანი



უე თველ არ დენახვეა...

უცხოელი ურნალისტი: 44 წლის წინათაც ვი-
უაპი სეპარტველოში... ხალხი მიწური ცხოვრობ-
და, ახლაც იგივე სურათია.



საბჭოთა საქართველო 44 წლისაა

„უ ა ი ნ ყ რ მ მ მ ს ა ვ ლ ი ს ა ლ 7 ზ ა“

შემოდგომამ, ჭინოსხილის გარდა, გოდრობით მოუტანა საზრუნავი კოლმეურნეობის თავმჯდომარეს, აგრონომსა და საწყობის გამგეს.

ითათბირეს და დაადგინეს — გაისადაც დაეთესათ ქერი.

— რამდენი შევინახოთ სათესლედ? — იკითხა ცნობისმოყვარე საწყობის გამგემ ალექსი ყაზარაშვილმა და თვინიერი მზერა ესროლა კოლმეურნეობის თავმჯდომარე როსტომ ბერელაშვილს და აგრონომ ვანტანგ ყაზარაშვილს.

— სამი ტონა, — იყო პალუხი ორ ხმაში.

— აგრე იყოს, მაგრამ ახლა ჩემსასაც ვიტყვი. მი-

თხარით, სათესლე ქერს ვაწმენდა რად უნდა, აფსუსი არ არის ტყუილად შრომა? აბა, რა ჭკუაა გაასულეთაო, ვაწმინდო და მერე ისევ მიწაში ჩაყარო.

აგრონომმა და თავმჯდომარემ არც პო თქვეს და არც არა, მხოლოდ ერთმანეთს შეხედეს, მერე ორივემ აზრიან საწყობის გამგეს წამახალისებელი ღიმილი სტყორცნეს.

გორის მეთესლეობის საკონტროლო ლაბორატორიამ მაცივარში საგულდაგულად გაყიხული წყალი გადაასხა ალექსის. ქერი უკან გადმოუყარეს და ბრინჯივით დააბნინეს ვაჟკაცი.

— ეს რა მოგიტანია, გაუწმენდავი და უხარისხო.



ამას აღმოცენების უნარი არა აქვს.

გადაიარა ალექსიმ ლიახვის ხიდი და ტინისხილში მივიდა. საწყობი მოინახულა: ქერი გორის მეთესლეობის საკონტროლო ლაბორატორიის ჯინაზე ლაღანებდა. ჩახურებულიყო, წყალი ჭერიდან შეესვა და საწყობში ჯეჯილი ხარობდა.

— ამაზე ამბობენ, კაცო, არაკონდიციური თესლიო,

არ გაიხარებსო, საწყობში ყანა გავვიშენებო...

ისევ გაუჩნდათ საზრუნავი კოლმეურნეობის თავმჯდომარეს, აგრონომსა და საწყობის გამგეს.

ითათბირეს და დაადგინეს — არ დაეთესათ ქერი, თავი არავის არ შეუკავებია, წინააღმდეგი არავინ არ წასულა.

აჯეჯილებული 30 ცენტნერი ქერი კი მოელის მომკელს. ვინ იცის ამ საწყობში შენახული სიმინდი და ხორბალიც მალე გახდეს ასაღები. ასაღები და მოსაწირებელი მართლაც ბევრი რამაა ტინისხილში.

3. ტინისხილვი



ნახ. მ. ჯიშყარიანისა

ზამოთახელური კახი

- ამხანაგო ღირექტორო, ეს ლურსმანი ჭერზე უნდა ავაჭედო.
- მერე და, რას იტყვიან იქ... ზევით?!

მ . ძ . ა . ლ . ც . ვ . 1 . ლ . 1

ქუჩაში მივდივარ, გვიანი ღამეა. მოულოდნელად ვიგრძენი ვიღაც მომდევს. „ნეტავ მეზოვეს ან მილიციელს წავაწყდე“, — გავიფიქრე და თვალი წინ გავაპარე. ქუჩა დაცარიელებულია. გულზე შემომძეიარა. გონს მოვედი თუ არა, რაც ძალი და ღონე მქონდა, მოვკურცხლე. უკან ვიღაც ხტუნვა-ხტუნვით, მძიმე ხვნეშით მომდევს. სწორედ ჩემი სახლის წინ უცნობის ღონიერმა ხელებმა შემაჩერეს. წინააღმდეგობის გაწევას აზრი არ ჰქონდა.

— ფული! — მომმართა მძარცველმა. ღამის წყვდიადში ვერ გავარჩიე მისი სახე, ხმა კი ნაცნობი მეჩვენა. ამოვხიკე და მივეცი რაც კი მებადა. მძარცველმა ქალღმრთის ფული გადაითვალა, ხურდა გააჩხარუნა და რამდენიმე ცივი მონეტა ხელში ჩამიღო.

გამოგიტყდებით, პირველად მძარცვავდნენ. მიუხედავად ამისა, კარგად ვიცოდი, რომ ასეთ შემთხვევაში ხურდას არ იძლევიან.

ა. კორნილოვი,


— მე ჭერ კიდევ ახალგაზრდა ვარ... თავი მოვისაწყლე. — მაგ საკითხზე პროფკავშირის კრებაზე ვიმსჯელებთ, — წარმოთქვა უცნობმა.

ყურადღებით დავაკვირდი მის სახეს. რა თქმა უნდა, ის არის, რატომ უცებ ვერ ვიცანი... ჩვენი ადილკომის თავმჯდომარე! გაცუბისაგან სუნთქვა შემეკრა.


— როგორ გაბედე შენიანს!..

— წყნარად, ხალხს ძინავს! — შემაწყვეტინა თავმჯდომარემ. — შენგან სხვანაირად საწვეროს ვერ მიიღებს კაცი.. ჩქარა მოაწერე ხელი, — მითხრა ქანცგამოლეულმა და უწყისს გადახედა, — ამაღამ კიდევ ხუთ კაცს უნდა დავხვდე!

ნახ. გ. ფირცხალაშასი



— ჩვენი ზეინკალი სულ ყირაზე დგას და საქმეც ყირაზე აქვს.



ბაზარს ბაზარი იმიტომ ჰქვია, რომ ყველამ ერთად იყაყანოს და აზრი გამოთქვას კერკეტა ნიგოზზე, თერთ ბოლოკზე და წითლად აბრდღვი-ალეზულ ინდაურზე.

ის კაცი, გრძელ დასლთან ტიკჭორების გვერდით რომ დგას და ღვინოს ჰყიდის, ჩუმადაა. საკვირველია, რომ იგი არ აქებს თავის ღვინოს, არც მუშტარს მოუხმობს მომხიბვლელი ჰიპერბოლებით. ერთობა სულ არ ადარდებს, რომ ბაზარს მალე დაჰკეტავენ, ხოლო თვითონ ძალიან ცოტა ღვინო გაჰყიდა.

ამ ჩუმ კაცს უახლოვდება მეორე კაცი. მეორე კაცს საყვლო აუწევია, ხელები ჯიბეებში ჩაუწყვია და წარბებზე ჩამოფხატული ჭრელი ქუდიდან დიდი, წითელი ცხვირი მოუჩანს. ამ კაცს სულ არ აღონებს, რომ დიდი ცხვირი აქვს, ცხვირის წითელი ფერი აფიქრებს მხოლოდ და კიდევ ის, რომ როცა ხშირ-ხშირად გწყურდება ღვინო, მაშინ როგორ უნდა მოიქცე კაცი.

— ჰყიდი? — ხმადაბლა ეკითხება დიდი, წითელი ცხვირის პატრონი ღვინის პატრონს.

ღვინის პატრონი თანხმობის ნიშანს აძლევს და ცხვირის პატრონი თვალს რომ მოაშორებდეს ტიკჭორას, დაინახავდა, რომ ღვინის პატრონი თავს უქნევს.

— კარგი ღვინოა?
— მე მომწონს.
— გაკეთებული ხომ არ არის?

— გაკეთებულიც არის და ჭირნახულიც. — ქუდი მოიხადა, მერე ისევ თავზე დაიმხო.

— მე გეკითხები ნაშაქრი ხომ არ არის-მეთქი!

ამის გაგონებაზე მეღვინეს მრგვალად მოხარშული მამლის ფერი დაედო. გამწყრალმა შეხედა მუშტარს, შავი სქელი ღვინით ჭიქა გაავსო და უხმოდ გაუწოდა. მუშტარმა ჯერ დაჰყნოსა ღვინო, ცოტა ხანს დაფიქრა და სულმოუთქმელად გადაჰკრა.

თვალი თვალს გაუსწორდა, სიჩუმე ჩამოწვა.

ღვინის გამყიდველი სწრაფად ავსებს მეორე ჭიქას.

— ერთი ჭიქით ღვინოს რას

გაუგებ, ძმობილო, გადაჰკარ ესეცა.

მუშტარი ჭიქას დასწვდა, სინათლეზე გახედა და მეორე ჭიქა რომ დალია, წითლად შეღებულ უღვაშებზე ხელი შეიწმინდა.

— მაგარი არ უნდა იყოს. — თითქოს თავისთვის ჩაილაპარაკა.

— აბა ერთიც დამილიე და ნახავ, მაგარია თუ არა.

ღვინის მყიდველმა გადაჰკრა მესამე ჭიქაც...

ცოტა ხანს ამეებს მიმიხედე, მწილი და პური მოვიტანო, ნაშაქრიო, ჰაი დედას! — ამბობს მეღვინე და დამდურულივით გარბის.

მუშტარი ჩაფიქრდა. შევცქერი და, დედას ვფიცავარ, არ ვიცი რაზე ფიქრობს. მე საერთოდ ვერაფერი გაგუგე ამ მუშტარს.

მერე ღვინის გამყიდველი ბრუნდება და ელვის სისწრაფით იცლება ჭიქები.

როცა მუშტარი მეათეჯერ დაწვდა მწილის და წასვლა დააპირა, მეღვინემ სახელოში ჩასჭიდა მარჯვენა და შეეხეწა.

— შე კაი კაცო, გულნატკენს ნუ დამტოვებ. ეს ღვინო ჩემი ნამუსია. ღვინოს ბოლომდე უნდა მიჰყვე, რომ გაიგო მისი ავ-კარგი.

მუშტარმა ოთხი ჭიქა კიდევ გადმოაპირქვა. მერე, როგორც იქნა, მოაშორა ტიკჭორას თვალი. ქუდი შუბლს ზემოთ აიწია, უკან ბარბაცით გადადგა ორიოდ ნაბიჯი და მეღვინეს მთვრალი კაცის ღიმილით შეაგება მართალი სიტყვა.

— კარგი ღვინოა.

მეღვინე სწრაფად მოწყდა ადგილს, მუშტარს მივარდა, სიხარულისგან ათრთოლებულმა გულში ჩაიკრა, ზედ უშველებელ, წითელ ცხვირზე აკოცა და უთხრა:

— აგაშენა ღმერთმა.

მუშტარმა ისევ ჩაიწყო ჯიბეებში ხელები, ისევ ჩამოიწია ცხვირზე ქუდი, ღვინის გამყიდველს გამოემშვიდობა და გასასვლელისაკენ რხევით გაემართა.

ღვინის გამყიდველი ღიმილით შესცქეროდა ბარბაცით მიმავალს, იგი უსაზღვროდ, უსაზღვროდ ბედნიერი იყო.




გ. რევაზიშვილი


საგზის

ახლა მივხვდი, ქალის ცნობა არ ყოფილა ადვილი; სანამ სახლში მოვიყვანდი, ჩუმი იყო ლანდივით. თაფლობისთვე რომ გათავდა, მუშტი დაჰკრა მაგიდას; რაც თმა მქონდა შერჩენილი, ყველა ყალუხე დამიდგა. მითხრა: „თუ გსურს ეს ოჯახი არ ავირო, ამბაკო, თავი უნდა დაანებო ღვინოსა და თამბაქოს. ხომ უყურებ, გამხდარი ხარ, ცხვირში გაგდის სინათლე“. — შედავება ვცადე, მაგრამ თავი ველარ ვიმართლე. შემოვირტყე შუბლზე ხელი, (მგონი ახლაც მაჩნია). ღვინოსაც და თამბაქოსაც ერთად გადამაჩვია. მოვიმატე... მთელ ქალაქში ვერვინ მჯობდა სიგანით. ქარი რაა, ადგილიდან ვერ დამძრავდა გრივალი. ერთ საღამოს ცოლმა ისევ მუშტი დაჰკრა მაგიდას; რაც თმა მქონდა შერჩენილი, ისევ ყალუხე დამიდგა. თქვა: „თუ არ გსურს, ეს ოჯახი დომხალივით ავირო, გასახდომად ათი ბოთლი ძმარი უნდა დალიო. კაცს არ ჰგავხარ, ვასივებულ ფეხებს ძლივსლა მიათრევ“. — შედავება ვცადე, მაგრამ თავი ველარ ვიმართლე. მომაწოდა სავსე ბოთლი და, დავცალე თუ არა, იმ წუთშივე თვალებს შავმა ბინდმა გადაუარა. დავიგრიხე, მუცლის გვემით ლამის სული გავაცხე. ვიღუპები, ამოდენა ვაყვაცს ქალი მამარცხებს. ხვალინდელ დღის გახსენებით ვიზაფრები, ვლონდები იმას ვნატრობ, ცოლს უფლებით როდის გავუტოლდები.

ბ. ვარდანიძე



შესვენება



და

შესვენება

ჩვენის უბანი

(ჩანახატი)

ჩემი უბანი გარეუბანია, კერძოდ, ძველი ნაძალადევი. რადიოც გვაქვს, ტელევიზორიც, კეთილი გულიც, მაგრამ მაინც არ გვეკარებიან ხათესავეები, აღმართებისგან დაღლილ-დაქანცულნი და ჩიხებისაგან გზაბნეულები შორი გზიდან გვივლიან მოკითხვას.

ჩვენში წყალი იშვიათი მოვლენაა და თვეში ერთხელ მოდის წყლის გადასახადთან ერთად. 501 კაცს გვაქვს ერთი საერთო ონკანი და ათას ორი მუშტი. ვინც ურიგოდ გაბედავს წყლის აღებას, რიგინად დაუზღვევენ გვერდებს, მკერდს და თუ გააჩნია თავსაც, წყალი როცა მოდის, მოდის მთელი სამოცი წუთი, მერე შეწყდება და ვინც პირველი შეჩვენება პირგამშრალ ონკანს, მეორე თვეში მისგან იწყება რიგი. შეწყდება თუ არა წყალი, მაშინვე მოგვაკითხავს სახლმმართველობის „ავტორი“ და რჩევა-დარიგებას გვაძლევს: „ნუ დააქცევთ წყალს ქუჩაზე, ეს იწვევს ანტისანიტარიას“. ჩვენც ვუჯერებთ მას და წყალს არ ვვრვით ქუჩაში.

ხანდახან, წელიწადში ერთხელ, ან ოთხჯერ ბუნება გაიღებს მოწყალებას და გულუხვად გამოგვიგზავნის წვიმას. ამ ბედნიერ დღეს, ყოველ ეზოში ღვას ლაბადაწამოსხმული კაცი და მეზობლის ეზოსკენ უცვლის პირს მთიდან მოვარდნილ ნიაღვარს. ასე ჩადის ლავი ცენტრალურ ქუჩამდის და რეიდზე გასული ავტონისპექტორივით აყენებს მანქანების რიგს.

ვაქრობის მუშაკები სათოფეზე არ გვეკარებიან, პურის საყიდლად კილომეტრების გავლა გვიხდება.

პოლიკლინიკიდან გამოწერილ ექიმს, როგორც წესი, ავადმყოფი შუა გზაზე ხვდება და იქვე ახსნევიანებს ბიულეტენს. ხანდახან ექიმს აღმართში გულის ფრიალი ემართება და სას-

წრაფო დახმარების მანქანით მიჰყავთ იქ, საიდანაც მოჰყავთ.

სადამოობით, თუ კარგი ამინდია, ყველა გარეთ არის გამოფენილი. ბავშვები ომობანას თამაშობენ, ჭაბუკები გრძელ ჯორს, ახალგაზრდები სიყვარულობანას, ხოლო შუახნის ადამიანები კი საღმე, მყუდრო ადგილზე სხედან და სვამენ ნისია ღვინოს (თითქმის ყოველი მესამე ოჯახი აკეთებს ღვინოს, ყოფილი ნაძალადევი „მელვინობის რაიონია“). ზოგჯერ, ყველას შეუმჩნევლად, თვალციცხლა ჭაბუკი აედევნება სახლისაკენ მიმავალ თეთრკანკა გოგოს, გზას ვადაულობავს და ეტყვის:

— თუ მაძლევ, პირობას, ბარემ თქვი, თორემ...

— რა, თორემ...
— რა და, შენ თუ არა, ხვალ თინამ უნდა მომცეს პირობა.

— თუ აგრეთა, მე უკვე გუშინ მივეცი პირობა ჯიმშერს.

— მართლა ამბობ?

— შენა?

— მე ვისუმრე.

— მეც ვიცი ხუმრობა.

ასე ერთდღეა ორი მგზნებარე გული და მრავლდება ჩვენს უბანში ხალხი; მერე საცხოვრებელი ადგილი აღარ ჰყოფნით და „ქალაქში“ გადადიან. მერე ისინი ჩვენ სოფლებს გვეძახიან.

მე გარეუბანში ვცხოვრობ.

რადიოც გვაქვს, ტელევიზორიც, კეთილი გულიც, მაგრამ მაინც არ გვეკარებიან ახლობათესავეები. ჩვენში წყალი იშვიათი მოვლენაა და თვეში ერთხელ მოდის წყლის გადასახადთან ერთად.



ბ. მახვილაძე




ნაბ. თ. შირცხალაშასი

რა ქანს კეკულაქ?

— ამხანაგო პეპლა, მართალია, თქვენ ამხანაგური სასამართლოს მდივანი, პროფბიურის წევრი, კედლის გაზეთის რედაქტორი ხართ, ამასთან ტურისტულ-ლიტერატურულ-ჭრა-კერვის წრეების ხელმძღვანელი და შეთავსებით მუშაობთა კომიტეტისა და სურვის სექციის თავმჯდომარე, მაგრამ ეს იმას არ ნიშნავს, რომ უფრო თქვით მომდერალთა გუნდში მემცადინეობაზე!



უბეჭებო ხუმრობა



— ვილი, ხელები დაიბანე?
 — ღიახ, დედი!
 — პირი?
 — პირიც!
 — ყურებიც?
 — მარჯვენა ყური. მასწავლებელი მარჯვნივ მიზის!

— ტომ, შენი დაბადების დღისთვის ერთ ნამცხვარს გამოვაცხობ, რომელშიც სუთი სანთელი იქნება.

— იცი რა, დედი, ჯობია სუთი ნამცხვარი და ერთი სანთელი!

— ჩვენში ისეთი ზამთარი იცის, რომ ერთხელ, როდესაც ცხვარი ბორცვიდან ხტებოდა, პაეში გაიყინა და იქ ყინულის მასად დარჩა.

— კი, მაგრამ, მიზიდულობის კანონის თანახმად, ვანა ეს შესაძლებელი იყო?

— ვიცი, მაგრამ მაშინ მიზიდულობის კანონიც გაყინული გახლდათ.

— ჩემო ბიჭუნა, რას იზამ, როცა გაიზრდები?

— წვერებს გავიზრდი.

— რატომ?

— მთელი პირისახე აღარ მექნება დასაბანი.

პატარა ჯონი ხალხმრავალ ავტობუსში მამას მუხლებზე ეჯდა. ერთი დედაბერიც ამოვიდა. ზრდილობიანი პატარა ბიჭი ჩამოხტა მამის მუხლიდან, ქული მოიხადა და დეიდას მიმართა: დაბრძანდით!

— საიდან გაქვს ეს წიგნი?

— ჯილდოდ მივიღე.

— რისთვის?

— მასწავლებელმა მკითხა სირაქლემას რამდენი ფეხი აქვსო.

— მერე და რა უპასუხე?

— სირაქლემას სამი ფეხი აქვს-მეთქი.

— კი მაგრამ, სირაქლემას ხომ ორი ფეხი აქვს?

— ახლა კი ვიცი, მაგრამ სხვებმა უპასუხეს, ოთხი ფეხი აქვსო. ჩემი პასუხი შედარებით ყველაზე უკეთესი გამოდგა.

თარგმნეს მ. კვიციანიძემ და ც. იოსავამ

ბულდოგი

ის-ის იყო ვალტერ ზაპაშნიმ თავის „ტაიფუნს“ თბილისი დაათვალიერებინა, ლადიის წყალი გაასინჯა, ტელევიზიით გამოიყვანა, ცირკში აბურთავა და წავიდა, რომ ჩემმა კარის მეზობელმა ბიკენტიმ წაბადვით ბულდოგი გაიჩინა.

დორბლიან, თვალგებრილა ბულდოგს რომ ვუყურებ, პირი მიშრება და თვალები მიბნელებდა. ის რომ დაიდრენს, მე კაპიტალურ კედელს იქით ვღრინავ.

ჭკვიანიო, ამბობს. ბიჭოს! პატრონს არ ვენდობი და ძალს ვენდო? ამ სულძალი ძალოს გულისთვის სტუმარი მენატრება.

ყველაფერს თავი დაანებეთ — სამსახურში უკანასკნელი გაფრთხილება მაქვს მიღებული. რვა საათზე, როგორც კი გამოვალ ოთახიდან, კარებთან ბულდოგი დამხედება. ვადავდგამ ნაბიჯს — დამანახვებს ეშვებს; გავჩერდები — მიყურებს ანგელოსივით; ვიყვირებ, იმხელას იყეფებს, რომ სუთი სართული აზანზარდება; ვდგავარ და ცივი ოფლი მასხამს... არადა, მაგვიანდება.

ცხრის ნახევარზე გამობრძანდება ბიკენტი, შეაბრძანებს ბულდოგს ოთახში და მე მიშვებს სამსახურში. თავქუდმოგლეჯილი გავრბივარ.

ბიკენტი მუშაობას ცხრაზე იწყებს, მე — ცხრის ნახევარზე.

მთელი უბედურება ისაა, რომ ამ ოთხი წლის წინ ნარდის თამაშის დროს ბიკენტი და მე შეველაპარაკდით და...

მოკლედ, აგრესიული ბლოკია ჩემს წინააღმდეგ ბიკენტის და ბულდოგის შემადგენლობით.

...ერთი გამოსავალი დამრჩენია: უნდა დავანებო თავი ბულდოგობას, მივებარო ზაპაშნის, გავწვრთნა ერთი ვეფხვი და დავაბა ჩემს კარებთან. თხა თხაზე ნაკლები...

ბ. კონტრიკა



— ბილეთი 5 კაპიკი ღირს, შენ კი 3 კაპიკი გეძღვება!
 — სამაგიეროდ ბილეთს არ გთხოვ

მეზობელი ბიკენტი

ქვირფასო თანამოკალმეებო, ხომ არ დაგავიწყდათ, ჩვენმა უურნალმა გამოაცხადა კონკურსი (იხ. „ნიანგი“ № 23, 1964 წ.). საკონკურსო მასალებს ყოველდღე ვღებულობთ, მაგრამ, მოგეხსენებათ, ნიანგის მაღა, კიდევ უფრო მეტს ველით თქვენგან.

გისურვებთ პრემიებს.


ნიანგი.

სარედაქციო კოლეგია: ნ. დუმბაძე, ს. კლდიაშვილი, ნ. მალაზონია, მ. ქარჩავა, ნ. შველიძე, ო. ქელიძე. საქ. კბ. ცენტრალური კომიტეტის გამომცემლობა

თბილისი. სატირისა და იუმორის ქართული „ნიანგი“. Тбилиси. Сатирико-юмористический журнал „Нянгги“. რედაქციის მისამართი: რუსთაველის პრ. № 42. ტელეფონები: რედაქტორის—9-76-69, საერთო განყოფილების—3-10-49

ხელმოწ. დასაბ. 19/11-1965 წ. ქალ. ზომა 70x108 18, 0,5 ნაბ. ფურც. 1,37. ფიზიკურ ფორმათა რაოდენობა 0,5, პირობით ფორმათა რაოდენობა 1, ხელნაწერები ავტორებს არ უბრუნდებათ. საქ. კბ ცკ გამომცემლობის სტამბა № 1. ლენინის ქ. № 14. შეკვ. № 471. უფ. 02947. ტირაჟი 4000

საქართველო



ИНДЕКС 76317

ჭინჭრის დისციპლინა

პრუსიის მეფეს ფრიდრიხ II თავი მოსწონდა არმიის რკინისებური დისციპლინით.

— ჩემს ჯარისკაცს თავისი ოფიცრის უფრო ეშინია, ვიდრე მტრისა.— ტრაბანით ამბობდა იგი.

თითქმის 200 წელი გავიდა მას შემდეგ. დასავლეთ-გერმანელ სამხედრო მოხელეებს კვლავ სიამაყით შეუძლიათ დაირტყან მკილი გულზე და თქვან — ბუნდესვერს კიდევ უფრო დისციპლინირებული ჯარი ჰყავს და აი საბუთიც — მე-II სატანკო დივიზიაში ახლახან შემოიღეს შემდეგი წესრიგი: განგაშის დროს ჯარისკაცებს ლოგინიდან აგდებენ ცრემლსადენი გაზით, მანევრებზე კი, დისციპლინის დარღვევისათვის, დასჯის უაღრესად ორიგინალური მეთოდია შემუშავებული — დამნაშავეს იძულებითი წესით ატყევენ ჭინჭარს. ასეთია ბუნდესვერის სუსხიანი ჭინჭრის დისციპლინა.

„თავი ქაღვი“

უბრალო ამერიკელზე „ზრუნვით“ თეთრად ნათენებ ერთ დამეს დაიბადა ტექნიკის ახალი მიღწევა — ნიუ-იორკელმა ფაბრიკანტმა გამოიგონა შლიაპა პლასტიკური სარჩულით. ახალი მოდელი დიდი მოწონებით სარგებლობს. საქმე ის განსაკუთრებით, რომ ასეთი სარჩული ანახევრებს თავში ჩაქუჩის ჩარტყმის სიძლიერეს. თუ თავი ასეთ ქულში გაქვთ, საღამოობით თავისუფლად შეგიძლიათ ნიუ-იორკის ქუჩებში ისეირნოთ.



ჯაიბა ზიზლისათვის


მისი ტაქსი იდგა ქუჩაში. ლიმუზინს მიუახლოვდა ქალბატონი, რომლის მკერდს საზარელი სამკაული — ბრილიანტებით მოჭვინული ფაშისტური სვასტიკა „ამშვენებდა“. მძღოლმა მომსახურებაზე უარო თქვა.

— თუ შენ ებრაელი ხარ, რატომ არ მოხვდი კრემატორიუმში?... — ზიზლით თქვა ინგლისის ნაციონალ-სოციალისტური პარტიის ლიდერის კოლინ ჯორდანოს მეუღლემ.

ფაშისტებისაგან ნაწამებმა ვოლფ ბახელმა წონასწორობა დაკარგა, ჩამოგლიჯა ქალს ძვირფასთვლებიანი სვასტიკა და კანალიზაციის არხში გადაუძახა.

შოფერი დააჯარიმეს. ჯარიმის გადახდის სურვილი გამოთქვა ტრანსპორტის მუშაკთა პროფკავშირმა.


— გადაუარეთ ყველა სვასტიკა, ჯარიმას ჩვენ გადავიხდით.— აცხადებენ ლონდონელი ტრანსპორტელები.



მიჩიგანელი ღონ-ქუანი

რისთვის სჯიან ფრედ ოუენს. ერთი „საწყალი“ მიჩიგანელი ბიჭია. ცოლის თხოვა უნდოდა. დასანიშნი ბეჭდულ შესაძენად ყალბი ქვითარი წარადგინა. „დაავიწყდა“ პირველ-მეორე-მესამე ცოლთან განქორწინება და კიდევ იმისთვის, რომ... ჰო, მესამე ცოლს აწაპნა ავტომობილი მეოთხე ცოლთან საქორწინო მოგზაურობაში გასამგზავრებლად.



მორიგე ქმარი — ასე იცნობენ მას ქალაქში. ღონ-ქუანის მიჩიგანური ვარიანტი სრულიად შეესაბამება „თავისუფალ სამყაროს“.



400 მკვრი სინდინდესა და უსინდესობას შორის

კაზინოს პატრონები, სხვა მომსახურების გარდა, მომხმარებელთა ჭიბებში ხელებს აფათურებენ მეძავე ქალების მეშვეობითაც. ლას-ვეგასში ამერიკის ყოველი კუთხიდან იყრიან თავს მეძავენი. აქ მათი უმუშევრობა დიკვიდირებულია. კანონი საროსკიპოების გახსნის უფლებას იძლევა მხოლოდ ერთი „შეზღუდვით“ — ისინი 400 მეტრით მაინც უნდა იყვნენ დაშორებული სკოლისა და ეკლესიისგან.

რა ფასი აქვს ამერიკულ „თავისუფლებას“ ან „შეზღუდვას“, ამაზე მეტყველებს ახლახან მომხდარი ამბავი: განიხილეს ამ კანონის დარღვევის ფაქტი — ერთ-ერთი საროსკიპო სკოლის გვერდში აღმოჩნდა. მუნიციპალიტეტის მრჩეველებმა მაშინვე მიიღეს გადაწყვეტილება: გადატანილ იქნეს... სკოლა.



ნახ. ზ. ლომიძისა